

## DEDICATIO.

cum rebus , tanquam affinitate quadam ducti , di-  
vinam æmulationem amicâ ac salutari altercatio-  
ne exerceant , ac , quæ cæteris mortalibus ardua  
sint atque inacessa , hæc sibi facilia & pervia esse  
existiment , & sibi solis gloriæque suæ reservata  
tanquam in lucro deputent. Plena operum tanto-  
rum atque admirandorum omnis omnium tempo-  
rum historia est , tām recens , quām antiqua. Id  
enim certum est , Antiquissimos quosque Reges  
eò animi atque audaciæ proiectos , ut mentem sub-  
limibus commodarent , & Cœlo ipsi impensam  
facerent. Quorum virtute ac studio effectum est ,  
ut , quæ supra Nos , tam profundo laqueari suspen-  
sa , non oculis tantum , sed mentibus spectaren-  
tur , & corporum stupendæ molis atque magnitu-  
dinis , distantiæ , motus , revolutionumque itinera ,  
docerentur :

Nostra quoque tempora , quas non ostendunt  
*Maximorum Principum* molitiones , ex Suis , vel Sa-  
pientum illorum , quos circa se habent , divinis  
descriptionibus , ipsorumque Studiis , suscepas &  
ad inaudita directas , quibus motum , vitam , vim ,  
vigoremque omnem authoritate opibusque suis  
tribuunt , successu exituque ex asse respondentे ?  
Neque deest , nec deerit his magnis Terræ Dominis  
hujus studii atque exercitii materia ullo vel tempo-  
re , vel seculo , usque ad Extremum diem. Multa  
enim & nobis , & posteris nostris in rerum natura-  
lium perscrutatione esse reservata , nemo facile in-  
ficias ibit. Testem produco Philosophum & Rhe-  
torem *Senecam* , hac de re Epist. 33. ita differentem :

*Qui Ante nos ista monuerunt , non domini nostri , sed duces  
sunt : Patet omnibus veritas , nondum est occupata.*

*Multum ex illa etiam futuris relictum est.*

Hujus